

ՆՈՐԱՀԱՅՏ ԺՈՂՈՎՐԴԱԿԱՆ ԱՌԱԿՆԵՐ

Ն. Մ. ԻՍԿԱՆԴԱՐՅԱՆ

Առակը հայ ժողովրդական բանահյուսության ժանրային հարստություններից մեկն է և XII—XIII դդ. արդեն ներմուծվել է միջնադարյան հայ գրականության մեջ:

Հնում առակի նշանակությանը մեծ տեղ է տրվել: Դրա լավագույն վկայություններն են հին սրբապատմական գրքերում (որպիսիք են Հին ու Նոր կտակարանները) առակների լայնածավալ արտացոլումները, որոնք հսկայական ազդեցություն են թողել թե՛ միջնադարյան մտածողության և թե՛ հայ հին գրականության զարգացման վրա: Ժողովրդական բանահյուսությունն ուղեկցել է գրավոր գրականությանը հին ժամանակներից մինչև մեր օրերը: Ներկայումս բանահյուսության բնագրային հարստության հնարավոր առանձնացումը հիմնականում համարվում է իրականացված, քանի որ դարերի ընթացքում կորուստը եղել է մեծ ու անդառնալի, այսինքն՝ առավել չափով ստեղծվել է, նվազ չափով՝ գրավել ու պահպանվել: Սակայն հայ միջնադարյան ձեռագրերում պահպանվել են հայ հին և միջնադարյան գրականության անհիշելի ու անանուն նմուշներ, որոնց մանրամասն հետազոտումը ի հայտ է բերում վերջիններիս բանահյուսական ծագումը: Նշանավոր հայագետներ Ն. Մառն ու Մ. Աբեղյանը, Մխիթար Գոշև և Վարդան Այդեկցու առակները քննելիս նշել են, որ նրանց առակագրական ժողովածուներում, ի թիվս այլ աղբյուրների (Աստվածաշունչ, հին հունական առակագրություն) եղել է նաև հայ ժողովրդական բանահյուսությունը:

Մեր որոնումները Մաշտոցի անվան Մատենադարանի ձեռագրերում ի հայտ են բերել մի շարք նոր բանահյուսական նյութեր, որոնք ցարդ գրված չեն գիտական շրջանառության մեջ: Դրանց թվում կան նաև ուշագրավ մի քանի առակներ¹, որոնք բանագիտական որոշակի արժեք ունեն: Բայց նախ առակի մուսին՝ ընդհանրապես:

Մեծանուն հայագետ Ն. Մառը առակներին նվիրված իր մեծածավալ աշխատության մեջ² գրում է, որ հին շրջանում հայ իրականության մեջ հանրաճանաչ են եղել Եղոպոսի առակները, թեև Եղոպոսի անունը հայ հին գրականության մեջ չի նշվել:

Առակներով և այլաբանությամբ խոսելը ընդունված է եղել Հին Արևելքում և Հին Հունաստանում: Արևելքում այն գիտվում էր որպես խրատելու միջոց. խրատաբանություն, որով սերնդից սերունդ փոխանցվում էին մարդկության փորձառությունը ձևաբար բերված բարոյական ավանդները: Առակները, սակայն, ոչ միայն խրատելու համար են, այլև ընդլրկելու, բողոքելու: Այնտեղ, ուր բացահայտ ընդլրկումը հնարավոր չէր, մարդիկ իրենց բողոքի ձայնն էին բարձրացնում առակով: Առակների հայկական ժողովածուներ հին դարերում հայտնի չեն, իսկ ժողովրդի կողմից ստեղծված առակները գրի առնելու և մշակելու մասին խոսք անգամ չի եղել չէր կարող վաղ միջնադարում, այն պարզ պատճառով, որ գիրն ու գրականությունը գտնվում էր հոգևոր հայրերի ձեռքում: Բայց և այնպես, հնարավոր չէր կասեցնել պատմության, կյանքի առաջընթացը, ու թեև հոգևոր հայրերը շրջանցում էին ժողովրդական բառ ու բանը, այնուամենայնիվ, չէին կարող լրիվ անտեսել այն, ինչն այնքան շատ էր սիրում ժողովուրդը, ինչը բեղմնավորվել ու աճ էր տվել նրա գրկում:

1 Մաշտոցի անվ. Մատենադարան (այսուհետև՝ ՄՄ), ձեռ. № 2011, 2249.

2 И. М а р р. Сборники притч Вардана. Материалы для истории средневековой армянской литературы. Часть I—II, СПб., 1894—1899.

3 Առակները ժողովելը և գրի առնելն անպատշաճ էր համարվում. հմտ. Մ ան ու կ Ա բ ե դ յ ա ն. Հայ հին գրականության պատմություն, գիրք երկրորդ (XI—XIX դարի 30-ական թթ.) Երևան, 1946, էջ 155:

Հարկ է նշել որ XI դարի կեսերից արդեն հայ կյանքում տեղի ունեցան փոփոխություններ, որոնք կապված էին կյանքի առաջընթացի ու աշխարհայեցողության փոփոխության հետ: Մտածողության մեջ կատարվել էր մի հեղաշրջում, որի շնորհիվ կրոնական ոգին հետզհետե տեղի դիշույմ էր աշխարհիկ ոգուն և դրականությունը չէր կարող չաղղվել դրանից: Դա հայկական վերածննդի սկիզբն էր: Բնական է, որ այն պետք է սկիզբ առնե՝ քաղաքներում (այդ ժամանակ արդեն խոշոր առևտրական կենտրոններում՝ Անի, Արծն...) բնակվող աշխարհականների ձևերով և հայ դրականության մեջ հայտնվում էն ստեղծագործություններ, որոնք աշխարհիկ շնչով էին ներթափանցված (հայրեններ, հանելուկներ, առակներ, գրույցներ): Նոր ստեղծագործությունները միշտ հայերենով էին գրված, դրականությունը կամաց-կամաց ձեռք առնում էր միջնադարյան սխոլաստիկայից, ծաղկում, աշխարհականանում էր նոր ժանրերով:

Եվ այսպես, մեր հոգևոր հայրերը, XI—XII դարերից սկսած, անպատշաճ չէին համարում լրբեմն, թեկուզ ողորի ձևով, երգել աշխարհիկ կյանքի շարիքներն ու բարիքները, քաղաքների ծաղկումը կամ ավերումը: Եվ քանի որ եկեղեցականը կոչված է կրթելու, ուսուցանելու, նա սկսում է օգտագործել նաև այլարանություններ խոսքի մեջ, ապա և առակներ:

Հայ մատենագրության մեջ առակների առաջին ժողովուրդն ու խմբագրողը Մխիթար Գոշն էր: Նրա առակների թիվը հասնում է 190-ի: Նա հավաքում էր ժողովրդի մեջ պատմվող, այլաբանական երանգով բաղմալթիվ ստեղծագործություններ (գրույց, առակախոսություն) և խմբագրում դրանք: Նա առակները երկու մասի է բաժանում՝ առաջին մաս—բուն պատմություն, երկրորդ մաս—խրատ:

Առակի առաջին մասը կարող էր ունենալ ինչպես աշխարհիկ բնույթ, այնպես էլ հոգևոր, բայց երկրորդ մասը՝ խրատը, գրեթե միշտ ելնում էր քրիստոնեական կրոնի բարոյական սկզբունքներից: Միջնադարյան առակագրական երկրորդ ժողովածուն կոչվում է «Վարդանայ առակք», որի հեղինակը Վարդան Այդեկցին է: Նրա առակների թիվն անցնում է 300-ից: Հետագայում այս ժողովածուի մեջ են մտել նաև այլ առակներ, որոնք Այդեկցու հետ կապ չունեն: Ավելի ուշ ձեռագիր մատյաններում առակները դրանով էին «Վարդանայ առակք» ընդհանուր խորադրի տակ, անկախ նրանց պատկանելությունից: «Այսպես դարձանում են առակների ժողովածուները՝ դի ղրանց համար պահանջ կար: Դրանք հարկավոր էին քարոզչության համար և պետք է օգնեին քարոզիչներին, թե որ հոգեշահ խրատի համար ինչ առակ կարելի է պատմել»:

Երբ այս ժողովածուները հանրաճանաչ են դառնում, օգտաշահ՝ հոգու և մարմնի, բացի ղուտ հոգևոր բնույթ ունեցող առակներից, ստեղծվում են նաև աշխարհիկ բնույթ ունեցող, կենցաղային բովանդակությամբ առակներ:

Այժմ բերենք մի քանի առակների օրինակներ, որոնք անհեղինակ են և ցարդ գրված չեն եղել գիտական շրջանառության մեջ:

«Եղբայր ոմն Գնաց առ հայրն և դամենեան հանցանս
 իւր խոստովանեցաւ և տեսեալ յանուրջս հայրն.
 զղատաստան եղեալ, և այրն այն մերկ, և մարմինն
 ամէնեան հըրալից սլաքով ՚ի լի և յորժամ խոստովանէր,
 հրեշտակն արցանով մէկ-մէկ քաշէր զսլաքն,
 դամէնն քաշեալ, մի ևս մնաց, և զարթեալ հայրն և
 պատմեաց նմա, թէ այլ մեղք է մնացել, որ չես
 ասացել և ասէ. «Այո, օր մի զկոյր մի կատակ
 արարի, դի ցեխն ՚ի ներս ըղորդեցի և զցամաքն թողի»:

Այս օրինակում տեսնում ենք հոգևոր աշխարհի առկայությունը, չկա խրատական վերաբերման, որը կարևոր էր համարվում, թերևս առավել կարևոր, քան ինքը՝ առակը: Այս առա-

4 Արիստակես և Լաստիվերցի. Պատմություն. Երևան, 1971:

5 Մ. Աբեղյան. Միջնադարյան առակներն ու սոցիալական հարաբերությունները նրանց մեջ. Երևան, 1935 էջ, 15:

6 Մ. Աբեղյան. Հայ 4-ին դրականության պատմություն. Երևան, 1944—46, էջ 166:

7 ՄՄ, ձեռ. № 2011, էջ 227:

կում քննադատվում է թեթևամտությունը, որը կարող է ուրիշի դժբախտության պատճառ դառնալ: Առակը քարոզում է պատասխանատվության զգացում ունենալ, միաժամանակ հիշեցնում է, որ այս կյանքում դորձած լիսալներին ու մեղքերին համար վաղ թե ուշ պատասխանատու են բոլորը:

Այժմ բերենք մեկ այլ օրինակ, ուր սկսեցինք աշխարհիկ տարրը և կազմված՝ 2 մասից (պատմվածքից և խրատից): Սա ևս անհիշյալ է:

«Կայր ոմն մեծատուն և ունէր այդի և արտւ շայնցաւ և ետես, զի փուշ էր բուսեալ ի նոսաւ: Ասէ զորդինն իւր. «Ի՞նչ, բազի զփուշն»,— և ելեալ որդին երթաւ, անհողութեամբ դօրն մինչ ի յիրիկուն ննջէր և զայր բաղում աւուրս: Յաւուր միում իմացեալ հայրն զանհողութիւն, ասաց. «Որդի, զնայ այսօր այդին, փուշը տեղի մի քաղի, որ մէկ մարդու պարկեւու լափով (լինի—ն. Ի)»:

Կնացեալ որդին որպէս որ հրամայեց հայրն, նոյնպէս երկրորդումն և երրորդումն օրն՝ հայեցաւ, որ քիչ-քիչ՝ օր վրա աւուր յառաջ դնաց, սկսաւ սիրտն ժրանալ և ուրախութեամբ կտրեց զրանն:

Սույն առակս. ցորեանն քրիստոնէիքն են, փուշն մեղքն է, հայրն՝ Բա՛նայն, որդին՝ ժողովուրդն էր, որ թէ անհոգ լինի՝ փուշն կամ է, և թե փութը-փութը զաս եկեղեցին, աղօթեալ, օր աւուր վրայ փուշն, որ է մեղքն՝ կպակասի»:

Այս օրինակով մենք տեսնում ենք, թե ինչպես ականջատ աշխարհիկ բնույթ ունեցող առակին կցվել է խրատական վերջաբան՝ տալով նրան հոգեւոր երանգ: Սա մի փայլուն օրինակ է այն բանի, թե առակի միջոցով ինչպես փորձ էր արվում ամրապնդել կրոնասիրությունը: Հայ դեղշուկը եկեղեցասեր է, միաժամանակ նաև՝ աշխատասեր: Այս երկուսը միացնելով, համադրելով միմյանց և այլարանական խորհուրդ տալով, կարելի էր հոգու համար օղտաշահ դաս տալ նրան: Զէ՛ որ այլարանությունը հոգեւորը նույնացվում է աշխարհիկի հետ, որը հասկանալի է դարձնում պահանջը: Նման մի քանի առակներով հոգեւորականը ջատափելին կարող էր անել, քան զժողովրդեմբռնի զբարարով քարոզ կարողալով:

Մեկ այլ առակում խոսվում է մերձավոր մարդու նկատմամբ սիրո և հավատարմության մասին:

«Շոռոմ տանուտեր մի կայր, ունէր շուն մի: Եվ թաղաւորն հրաման արար և տարան տանուտերն ի բանդ: Եվ զնաց շունն լալով զհետ նորա: Երբ տանուտերն տարան սպանենել, զնաց շունն աղաղակելով հետ նորա: Եվ յորժամ զլիսատեցին տանուտերն, այնպես աղաղակեց, որ ամենհանքն սարսեցան: Եվ յորժամ հաց տային շանն, առեալ տանէր դէպ ի դուռն տան իւրոյ: Եվ իբրև ետես շունն ոչ ուտէ, տարան և ինքն ոչ կերալ: Եվ տանուտերն ընկեցին ի ծովն և տեսեալ շունն, զինքն ընկեց ծովն, զի առցէ զմարմին տեառն իւրոյ՝ խեղդաւ ինքն: Երանի տամ այն մարդկանն, որ զմիմիանս այնպէս սիրեն, որպէս անբանս այս»:

8 ՄՄ, ձեռ. № 2249, էջ 166:

9 ՄՄ, ձեռ. № 625, էջ 100:

Այս առակի օրինակով քարոզվում է սեր մարդկանց նկատմամբ, նվիրվածություն և հավատարմություն, որի պատգամը կա նաև աստվածաշնչյան «Սիրի մերձավորիդ, ինչպես ինքդ քեզ» արտահայտության մեջ:

Պետք է նշել, որ թեև աշխարհիկ տարրը, նրա հետ նաև ժողովրդական լեզուն և մտածողությունը մոտք էին գործել եկեղեցական գրականություն, մասնավորապես առակաների ձևով, այնուամենայնիվ, դա չէր բացառում զուտ հոգևոր բնույթի առակաների ստեղծումը: Կային առականեր, որոնց և՛ պատմվածքային մասը, և՛ վերջաբանը ընդգծված կրոնական բնույթ ունեին: Ահա դրանցից մի քանիսը:

«Կայր ոմն ճգնաւոր, հարիւր տարի ազօթել էր, ապա փոքր ինչ կու հպարտանար, թե իմ հարիւր տարոյ ազօթիցս փոխան Աստուած որպիսի տեղ կու տայ կամ որպէս շուք պատրաստել է: Աւուր միում ետես 'ի տեսլեանն, որ յափշտակեցին հոգին իւր յերկինս, անցաւ ընդ այն ճանապարհն, հասաւ հրային երկինք, սկսաւ ճգնաւորս խիստ տապիլ ի հրոյ, ելաց և ձայնաց.

— Հո՞ տայր ինձ ջուր, որ ահա այրեցաւ:

Ասաց հրեշտակն.

— Այս տեղս առանց զնոյ մարդու ջուր չեն տար:

Տուր ինչ բարութիւն ունիս, որ տաց քեզ ջուր:

Ասէ ճգնաւորն.

— Տաց քեզ 10 տարոյ ազօթք:

Ասէ հրեշտակն.

— Այստեղ 10 տարոյ համար ջուր չեն տար, մինչև որ 30

տարոյ ազօթքն,—ասաւ,— քտուր ճաշակ մի ջուր:

Քիչ մի այլ գնաց, դարձեալ պապականցաւ, 30 տարոյ ազօթք ևս ետուր, կրկին ևս պապականցաւ, զմնացեալ ազօթին ևս ետուր և էառ ջուր: Անցաւ զճանապարհն և գնաց առաջի Աստուծոյ: Հրամայեաց Աստուած.

— Ո՞ւր ես եկեր դատարկ:

Ճգնաւորն ամօթալից ասե.

— 100 տարի ճգնութիւն արարի, մինչև որ հոս եկի,

զատարկեցայ:

Հրամայեաց Աստուած ամենայնի.

— Երբ քո 100 տարոյ ճգնութիւն երեք ճաշակ ջրի փոխեցիր,

ապա գնա ինձմէ:

Հայնժամ դահի հարեալ զարթեաւ և իմացաւ զիւր հպար-

տութիւն ցոյցքն և սկսաւ լալ և ապաշխարհել, ապա

հաշտեցաւ պարտութիւն ինչէ ընդ նմա՝ 10:

Իմաստութիւնը, խրատը ճանաչելը, Աստուծոյ հնադանդվելը հոգևոր փրկության մի հրավեր համարելով՝ այս առակը զգուշացնում է հեռու մնալ մեղքերի որոգայթներից: Ծգնավորի օգինակով քարոզվում է խոնարհեցնել անձը, քանի որ. «Ով որ իր անձը բարձրացնէ, պիտի խոնարհի և ով որ իր անձը խոնարհեցնէ, պիտի բարձրանայ»¹¹:

Այս «առասպելները» (իմա՝ առակաները) պատգամում են լինել բարի, համբերատար, սիրելի ու նեցուկ լինել մերձավորին, լինել աստվածապաշտ, կրոնասեր: Առակաների այլաբանական իմաստն ավելի է սրում նրա ներդրածման դաստիարակչական ազդեցությունը: Բերենք ևս մի օրինակ, ուր պատմվում է կյանքի հարաբերականության և անդրաշխարհի հավիտենականության, այս կյանքում ճիշտ ապրելու և այն աշխարհում արժանին ստանալու մասին:

¹⁰ ՄՄ, ձեռ. № 2249, էջ 157:

¹¹ Աստուածազունը, Աւետարան ըստ Մաթէոսի, 23:

«Եւայր ոմն աշակերտ ճղնաւորին, յաւուր միում զնացեալ ի քաղաքին, զի կայր ի քաղաքին մեծատուն մի ամբարտաւան և շարագոյն, զի մեռել էր մեծատունն և քաղաքն բովանդակեալ էին թաղումին մեծատունն և տարեալ մեծաշքով թաղեցին զնա: Եւ ետես այր մի կրօնաւոր, զի վաղուց հետէ ճղնութեամբ մաշել էր զանձն իւր և վախճանունալ էր և անկեալ մարմինն ի գետն և բազումք զմարմինն ծակոտլին: Վասն խիստ տրտմեցաւ սուրբ հօրն և ասէ.

— Տեր իմ և Աստուած, որպէս իցէ, զի մեծատունն այն շար մեռաւ ի քաղաքին և պատվով թաղեցաւ և սուրբ ճղնաւորս այս այսպիսի խեղճ և անարգեալ կերակուր զաղանաց եղեալ է:

Ձայս զմտաւ ածեալ ի տրտմութեանն ննշեաց և ետես ի տեսլեանն՝ ամպ լուսաւոր, ձայն եղև ամպոյն, որ ասէր.

— Մի տրտմիր որպէս կրօնաւոր, զի մեծատունն այն փոքր ինչ բարութիւն ունէր. վասն յայնու պատուով թաղեցաւ, որ աստ վճարի և երթայ ի հօրն յաւիտենական և այս ճղնաւորս փոքր ինչ փողատեսակ մեղս ունէր, վասն յայնու անարդարաբանեաւ, որ զայն մեղքն սրբէ և անդ երթայ յաւիտենական հանդիստ:

Ձարթեալ աշակերտն և փառս իւր ասէր¹²:

Այս առակները լի են մարդասիրութեան դասերով, զրանք զարեւր ի վեր մատուցվել են հայ մարդուն՝ նրա հոգում հավատն ու բարոյախոսութիւնը ավելի ամբապնդելու նպատակով: Այս առակները եղել են հոգևոր սնունդ հայ մարդու համար և ինչպես նկատում ենք, զրանց լեզուն մոտ է խոսակցական բառ ու բանին, հեռու՝ խրթին աստվածաբանական խորհրդածութիւններից:

Վերը նշված առակները մի անգամ ևս հավաստում են, թե որքան խոր ու արմատացած է եղել մարդասիրութիւնը հայ ժողովրդի գիտակցութեան մէջ: